

Klub SDP BIH  
Zasupnica Belma Kapo  
Sarajevo, 16.06.2026.

ZA:  
Bosna i Hercegovina  
Federacija Bosne i Hercegovine  
Kanton Sarajevo  
Skupština Kantona Sarajevo  
n/r Predsjedavajućeg Skupštine Kantona Sarajevo

U skladu sa Poslovníkom o radu Skupštine Kantona Sarajevo dostavljam:

**Zastupničku inicijativu**

Inicijativa se odnosi na **Zavod zdravstvenog osiguranja Kantona Sarajevo i Ministarstvo zdravstva Kantona Sarajevo.**

Molim da se kroz izmjene i dopune relevantnih propisa ZZO KS uvede poseban **izuzetak za korištenje pelena za osiguranike sa trajnom indikacijom inkontinencije**, odnosno za lica koja će ovo medicinsko sredstvo morati koristiti doživotno.

- **Model:** Da odobrenje od strane ZZO KS u informacionom sistemu bude postavljeno kao **trajno (doživotno)**, čime bi se ukinula potreba za stalnim i iscrpljujućim administrativnim revizijama i ponovnim odobrenjima. Kao kontrolni mehanizam, predlaže se da ljekar ovjeru i potvrdu potrebe vrši **najviše jednom godišnje**, ukoliko sistem ne dozvoljava potpuno trajno uključenje bez roka važenja.

Takođe, molim da se hitno do trajnog rješavanja ovog problema od strane ZZO KS uputi smjernica JU DZ KS kojom se odobrava fleksibilniji sistem izdavanja e-recepata za ovu vrstu medicinskog sredstva.

- **Model:** Da se ljekarima porodične medicine tehnički i omogućí **izdavanje recepata do 7 dana ranije** za naredni mjesec, uz definisanu **toleranciju kašnjenja do 15 dana.**
- **Obrazloženje:** S obzirom na to da kalendarski mjeseci traju 28, 29, 30 ili 31 dan, striktni rokovi u sistemu dovode do toga da pacijenti u toku godine dobiju manji broj pelena od minimalno potrebnih 1095 komada (odnosno 1098 komada u prestupnoj godini). Fleksibilnost i tolerancija u sistemu su nužne i zbog opravdanih kašnjenja pacijenata ili staratelja, bolesti te drugih nepredvidivih životnih situacija.

## **OBRAZLOŽENJE**

**U zdravstvenom i informacionom sistemu se nipošto ne mogu isto posmatrati lica sa trajnim/doživotnim invaliditetom i lica sa privremenim zdravstvenim poteškoćama.**

Dok privremena stanja zahtijevaju redovne ljekarske revizije radi praćenja oporavka, trajni i doživotni invaliditet je nepromjenjivo stanje. Izjednačavanje ovih kategorija u administrativnom smislu stvara vještačke barijere, opterećuje zdravstveni sistem i izlaže pacijente i njihove porodice stalnom, nepotrebnom birokratskom pritisku.

Postojeće tehničke postavke zdravstvenog informacionog sistema ne uvažavaju kalendarske varijacije u broju dana u mjesecu, zbog čega pacijenti sa trajnim invaliditetom na godišnjem nivou često ostanu uskraćeni za zakonom zagaranovan broj pelena.

Digitalizacija zdravstvenog sistema mora biti u službi olakšavanja života pacijenata, a ne stvaranja dodatnih tehničkih barijera za najranjivije kategorije društva. Usvajanjem ovih prijedloga, ZZO KS bi pokazao sistemsku empatiju, razdvojio trajna stanja od privremenih, smanjio nepotrebne gužve u domovima zdravlja i osigurao da pacijenti dobiju tačan, potpun i kontinuiran obim zdravstvene zaštite koji im zakonski pripada.

Molim vas da mi odgovor na inicijativu dostavite pismeno u elektronskoj formi na mail [belma.kapo@skupstina.gov.ba](mailto:belma.kapo@skupstina.gov.ba)

S poštovanjem,  
Belma Kapo